




Wele waalomela Nowa ari, imbuka iyo yaba niyo iye khuurura mwikhon'golo. Boosi atweela baaruramwo, niye atweela ni be muungo mweewe baarusakamwo biisolo byoosi.


19



Nga Nowa aaba ni khumwikhoyo kumukali! Isho shaakila woombekha shisheeso, wesaaya Umukasya Wele, uwamuwonesa niye

atweela ni be mungo mweewe, khukhwaama isi khuusalasala khwe kameetsi.


20



Aryo Wele waaha Nowa shiisubiso she kamaani. Nga aloma ari s'aaliilayo luundi ahese shiibala ni

Khuusalasala khwe kameetsi, nga awa babaandu shiitaambiso lwe bibyoonako bye babaandu ta.

21




Wele waaha shiishebuliso she kamaani shishiwaamba khu shisuubiso shino.

Luufutu lwaba niyo khaabonelo khe shiisuubiso shino.

22



# Nowa ni Khuusalasala khwe kameetsi



Aryo Nowa ni be muungo mweewe baarakikhisa bushaakha lwanyuma lwe khuusalasala khwe kameetsi. Mu mbuka inyene, babaana babaama mu Nowa, beetsusa luundi shiibala shoosi. Biibala byoosi bye mu

shibala byaama mu Nowa, ni basooleli beewe.

23

Nowa ni Khuusalasala khwe kameetsi  
Luukano khukhwaama mu Lomo ya Wele, I Bayibuli  
  
Inyoolekhana mu  
Khuurakikha 6-10  
  
"Biilomo byoowo nga byeenjiile bireera buwaanga." I Zabuli 119:130

Byaronabwa ni Edward Hughes  
Byaloosebwelelako ni Byron Unger; Lazarus  
  
Byaayusibwa ni Rev Eridad Milton Shissa  
Byan'gan'gasibwa ni M. Maillot; Tammy S.  
  
Luukano 3 khu 60  
  
M1914.org  
Bible for Children, PO Box 3, Winnipeg MB R3C 2G1 Canada  
  
I Layisiinsi: Uli ni buubalaayi khuukoopolola namwe khukhupisamwo luukano luno, n'uuba nga s'uuli khuutsya khuulukulisa ta.


Wele waamanya ari ifwe khukhola bibiindu biibi biikali, byeesi umweene alaanga ari bibyoonako. Shishaama mu khwoonaka nikhwo khuufwa.  
  
Wele akhukana ifwe naabi, woola ni khuurumana Umwaana weewe, Yesu Kristo khuufwiila khu Musalaba, nio abe waahaandile kumusaango kweefwe. Yesu eetsa nga ali umulamu, waakylawo weelayo Mwikulu! Ari Wele anyala weyakhila bibyoonako byeefwe.  
  
Iwe n'uuba nga ukana khuushuukha urure mu byoonako byoowo, loma shino isi Wele: O Wele, ise ifukillisa ndi Yesu aafwa khulwase, ni naari aliwo mulamu luundi. Ikhwikoontselela yiitsa winjile mu bulamu bwase, wiyakhile bibyoonako byase, nio inyalise khuuba ni buulamu bushaakha ari, nio lwanyuma lwayo imbe ni nawe biilo ni biilo. N'unjeete imenyewo buulamu bwase khu lwoowo, nga Umwaana woowo. Amini. Yokana 3:16  
  
Soma I Bayibuli yoowo, ukanikhatsake ni Wele buli busheeel!

Lumasaaba



Nowa aaba umusaani uwisaaya naabi Wele. Ne babaandu babaaramile boosi baabiyaala naabi luundi baamiinyaalila Wele.

1



Shifukhu shitweela, Wele waaloma shishiindu shishiisindusa naabi. Kila alomela Nowa ari, "Intsya khuuhesa shiibala shishoonaki shino shoosi. Be muungo mwoowo ni nawe mwenyene nibo babaatsya khuramawo nga baalamu."

2






Aryo Wele waareewula Nowa ari, Khuusalasala khwe kameetsi khutsya khubawo khwiitsuse shiibala shoosi.

3



Kila amulakila ari, "Yoombekha ku Khon'golo khukhwaama mu kusaala, liliinyala lyaasuta be muungo mwoowo boosi, ni biisolo bibiindi biikali swaa busa." Musaambo iyo, Wele waaha Nowa biilakilo bye khuutsiilakho. Aryo Nowa waarakikha khuukhola!

4



Babaandu baatsekhelela Nowa, musaambo isi aabasontsoolamwo lwashiina alikho oombekha likhon'golo.

Ne Nowa niye weeloosela khukhwoombekha. Naluundi weeloosela khuuboolela babaandu bibihaamba khu Wele. Ne mbaawo na mutweela uwarekeeresa ta!

5



Nowa niye aaba ni khuufukiilila khuukali naabi. Niye aafukiilisa mu Wele abe yakhaba nga ifula ishiili khukwatsakakho ifwaana iryo ta. Lubaluba, likhon'golo lyaawa khukhwoombekha nga lyoolele khusuta byoosi bye khusyamyamo.

6




Khuunyooawa biisolo byeetsa. Wele waareera musaafu khu bisolo bye saambo ndweela, ne bibili bibili khu bye saambo ikiindi.

7




Binywiinywi bibiili biiboofu ni neebyo bibiili bikyeeke, biisolo biikyeeke ni neebyo bibili bileeyi, byoosi byeetsa byaniina mwikhon'golo.

8




Winyoola babaandu baakhpila Nowa liyombo ni aaba nga alikho engisaka biisolo. Nibo baalekha khwaakamisa khukhwoonakisa isi Wele ta. Nashiryo baalekha khuloomba bari nabo beengile mwikhon'golo ta.

9




Lwanyuma lwa byoosi, biisolo byoosi ni binywiinywi byoosi byaba byengiile. Aryo Wele waalomela Nowa ari, "Ari wamweene nawe yiitsa mwikhon'golo. Iwe wamweene ni be muungo mwoowo."

10




Baryo, Nowa, umukyelama weewe, ni basooleli beewe bataru, ni bakyelama baabwe beengila mwikhon'golo. Lwanyuma lwa byoosi Wele weekalawo kumulyaango.

11




Lwanyuma ifula yaarakikha. Yakhupa nameeyiriira inyene, yaanyirisa liiloba aasi kuumala bifukhu kamakhumi kane ni biilo nabyo kane. Khuusalasala khwe kameetsi kweekha khu biriimba ni khu byaalo.

12




Ifula ni yaakama khuuroonya, tsinjiingi natsyo tsyoosi tsyaba tsaabiimbwile ni kameetsi. Nashiryo buli shiindu shoosi shiilamu shaahela.

13




Karyo kameetsi ni kaaba nga keelosela khuuniina, likhon'golo lyaakelakela khu ngaaki khwako. Winyoola manya mukari mwabamwo shishiilima shiikali, manya lyaba litengaala busa, manya buli shiindu shaba shiriisa. Ne shonyene ndi likhon'golo lyabiimbilila Nowa waalekha khuhela lwe khuusalasala khwe kameetsi ta.

14




Lwanyuma lwe kimyeesi kiraano kye khuusalasala khwe kameetsi, Wele waasiindikha imbewo ibalakasa antsye.

15



Mbolambola, likhon'golo lyaaba nga liikha, lyeetsa lyaawolela khu njiinji tnya Araraati. Nowa waarama mukari kuumala bifukhu kamakhumi kane nga kameetsi ni kaaba nga kaweelela.

16



Lwanyuma Nowa waaramana kikhoole ni liwuusi nga bibiirira mwitilisa lye

likhon'golo lilyaba liliikule. Ne liwuusi ni likhaanyoola aasi akhubalakafu ekhuwolela ta, liwuusi lyaakobola mukari isi Nowa.

17



Lwanyuma lwe sabiiti ndweela, Nowa waakhakakho luundi. Liryo Liwuusi lyaakobola nga

lyasutile lisaafu lye kusaala ku olivu khu minwa kyalyo. Indi lwanyuma lwe sabiiti ndweela, Nowa waamanya ari aantsye aabalakaale lwekhuuba kwa luno liwuusi silyakobola ta.

18